

作固始於伏羲然變狀百出而不彼之若者亦已多矣尚書一經獨有古文在豈非得於壁閒以聖人舊藏而天地亦有所護不忍使之絕晦中間雖遭漢巫蠱唐天寶之害終不能滅蝕今猶行於人間者豈無謂耶况孔氏謂尚書以其上古之書也當時科斗既不復見其爲隸古定此實一耳雖然聖人遠矣而文字閒可以概想則古書之傳不爲浪設予抵少城作石經考異之餘因得此古文全編於學官迺延士張貞倣呂氏所鏤本再刻諸石是不徒文字足以貽世若二典曰若粵纂之類學者可不不知歟嗚呼信而好古學於古訓乃有獲蓋前牒所令方將配孝經周易經文之古者同附於石經之列以故弗克第述一二以示後之好議奇字者安知世無揚子雲時乾道庚寅仲夏望日序

范謩分弓亭記

蜀自岷山沫若水外卽爲邊境熙寧以來歲遣禁旅戍戍今畱屯成

都者合土兵凡十有七營邊久無事軍政廢弛游手工技皆得編名籍中而鎧仗麾幟至朽敗不可